

VP Schmidt: Arhivi MKSJ trebaju biti trajno pohranjeni u Sarajevu



Visoki predstavnik Christian Schmidt danas se obratio učesnicima međunarodne konferencije “30 godina od osnivanja Međunarodnog krivičnog suda za bivšu Jugoslaviju – naslijeđe i izazovi” u Sarajevu, te izrazio poštovanje prema svima koji su svoje živote posvetili borbi za istinu o ratnim zločinima i genocidu u BiH.

Visoki predstavnik je podržao inicijativu da se arhive MKSJ trajno pohrane u Sarajevu, budući da bi to bila odgovarajuća lokacija da se arhivska građa sačuva i učini dostupnom budućim generacijama za informiranje, istraživanje i edukaciju.

“Važnost MKSJ za proces suočavanja sa prošlošću i utvrđivanja konsenzusa zasnovanog na istini je nemjerljiva. Priča koju pričaju dokazi će nadživjeti bilo kakav trenutni politički diskurs. Oni koji nastavljaju negirati činjenice ne mogu pobijediti,” rekao je visoki predstavnik.